

藏板王衡書

五



一楊履音發。嘔吐泄瀉。手足踈攣。怕聞響聲。頭  
汗如雨。有指爲虛極。而然用大劑人參補之。反加  
昏悶。余按其脈沉細無力。視其面有戴陽之色。迨  
詢所飲。見熱而拒。遇冷則喜。余思此心內有痧症  
熱毒。故脈症若斯。扶看腿灣。痧筋一條。放之流紫  
黑毒血如注。用桃仁紅花湯加角刺牛膝。微溫服  
四劑。用清涼至寶飲加黃芩溫飲。二劑而痊。  
一何心祝身不發熱。咳嗽吐瀉。踈臥沉重。手足俱  
冷。昏迷不醒。喉中痰聲不絕。醫者四人咸云床褥





初月三日復言  
不謹。內中陰寒。用人參黃芪附子乾薑等藥服之。  
病日增。余按脈徐疾不常。時有歇指。探其氣口熱。  
如爐。看其舌有黃黑胎芒刺。余曰。此非直中陰經。  
真寒症也。其族兄爭之不已。余曰。焉有陰症而舌  
胎芒刺口熱如爐者乎。况服參芪薑附已有明徵。  
若必欲以陰治。請辭其家人。固求余。先用陰陽水  
二碗飲之。遂覺稍醒。其弟二人竭力扶起。放腿灣。  
痧六鍼付以射干堯茶湯。去甘菊加烏藥玄明粉。  
枳榔荀子二劑稍冷飲之。後減玄明粉加童便六

服而痊

呃逆痧

呃逆。俗名冷呃。有寒有熱。有虛有實。有因痰火而發。  
有因血鬱而成。有因食阻而得。有因氣阻而生。有因  
病重發喘爲呃。謂之喘呃。若一藥認呃爲冷。以丁香  
柿蒂主之。謬矣。故老弱氣虛犯呃。非參不補。若虛極  
陰寒犯呃。非薑桂附子不溫。卽此冷呃治之。亦異而  
况痧脹爲呃。有痰火血鬱之分。有食阻氣阻之異。有  
病重喘呃之凶。苟非細辨受病之原。用藥稍或不妥。

參長正新書 一 後卷



非惟不效勢必呃忒是用明痧呃之害焉

治驗

一徐望舒傷寒變瘧呃逆三日夜兩寸脉微餘脉緊滑余曰呃逆脉異病後兼痧也閱腿灣上下痧筋放四鍼紫黑血流不愈用細辛大黃丸清茶稍冷服之付清凉至寶飲微冷下而痊

一王彥甫內室產後月餘發熱呃逆腹脹沉重其長子謂余曰老母產後傷寒六日沉重異常忽發冷呃將若何余診之六脉弦細而疾口渴畏熱飲

痧症顯然放膏痧三鍼血流如注又放指上痧三

十餘鍼用蘇木散併付桃仁紅花湯加山查荀子

二劑俱微溫飲之乃愈

一孫靖公六月心煩呃逆兩寸關俱細瀼而數且喜冷飲余曰痧脉已現痧症昭然刮痧放痧不愈

用清凉至寶飲減細辛加香薷黃連童便食鹽微

冷服遂愈

盤腸痧

痧毒肆行盤轉腸胃雖不痛不寒苦楚萬狀命在須臾

長正衛醫 後卷 三五



更此緊痧之症也

治驗

一張方曠內人十一月間胸腹中氣不舒暢惟是  
盤旋絞絞於胸腹腸胃中叫喊幾死將及半日時  
晚延余診其脉洪大無倫令其僕婦放指頭痧二  
十餘鍼用救苦丹沉香丸清茶稍冷飲之未愈付  
防風勝金湯加桃仁紅花治之而痊  
一汪履公弟三月飯後驟然叫喊腹中絞絞迷悶  
無極六脉俱伏放腿灣痧六鍼紫黑毒血出如湧

泉未愈用鹽湯冷飲一大碗吐去新食付清氣化  
痰飲稍冷服而愈

一盛玉鉉炎月旁晚胸腹迷悶苦不可言自謂疾  
期在即舉家驚駭延余右三部脉伏左三部脉洪  
大無倫放指頭痧三十餘鍼未愈用碧湯冷飲二  
碗吐去新食付蒲黃飲減薑黃加藟子微冷服而  
痊

自汗盜汗驚惶痧

自汗陽虛盜汗陰弱開聲而驚震遇響而惶懼者虛  
後卷



辨之極之候若因痧有是症者固表固本在所大忌務宜

治驗

一陳肅遠內人本質素虛凡遇病非人不效四月間心胸煩悶汗流不絕聞聲驚恐初病延余脉未顯難辨余聞素虛雖不敢用參付平劑不應延他醫付藥加參補之疾益甚復拉余按脉不見沉微及見浮洪緊大余曰痧也三子叔揚為母放痧畢余用寶花散沉香阿魏丸微冷茶飲之漸安肅

遠恐慮實未明停藥二日後用歸身山藥茯苓麥冬沙參丹皮四劑而愈

一潘中黃心胸煩悶腫即盜汗不已先將腿灣痧筋放之即發暈不愈越六日延余按其脉不與症合余曰痧毒幸放故無大害其發暈者適遇痧氣衝心是以得暈非放痧之害也復為放指上痧三十餘鍼未愈用寶花散微冷飲之用獨活紅花湯如菊子調黑糖治之而痊

一祝公庵次子發熱頭疼自汗如油痰喘如錫時



癩別曰御書  
癩別曰御書

覺昏沉有以牛黃抱龍丸生薑湯治之更重延余  
診之脉上盛而下虛放乳邊痧三鍼腿灣上下痧  
六鍼未愈付桃仁紅花湯加牛膝石斛細茶微溫  
飲之三劑而安

一石敬村女口渴盜汗腹脹如臑有治之不應余  
按脉弦細無力放指頭痧二十餘鍼用蘇木散  
寶花散砂仁湯微溫飲之付蒲黃飲加角刺葡萄  
溫飲四劑又用清涼至寶飲二劑而痊

痧類三瘥

瘥有一日一發有間日一發有二日一發那氣所奏  
感受各有淺深若三日一發者所感獨深但痧毒乘  
之陰受其禍即有不測焉能識之邇於全書所記外  
見有痧類三瘥者故續編之以彰其害焉

治驗

一陸淑韓祖年近七旬八月患瘥間二日一發寒  
熱甚重心胸煩悶將及半月診之左脉微濇余曰  
不意斯疾亦有痧焉刺腿灣痧三鍼流血紫黑用  
寶花散沉香丸清茶微飲之付防風散痧湯加

步表正商書 一後卷 三四



連翹柴胡橘紅膽星微冷服二劑六日乃痊  
一懷惟貞患三癰半年忽煩悶沉重坐臥不安六  
脈俱伏余曰此三癰兼痧者也刺腿灣痧一鍼流  
紫黑毒血用寶花散清茶微冷飲之遂鬆後不服  
藥漸痊

咽喉諸症兼痧

咽喉諸疾亦有兼痧之症與若云咽喉從古無兼痧  
論試思古人治咽喉十八症有刺少商穴法此何異  
乎夫少商穴屬太陰肺經在手指爪角內側刺之出

血以洩其毒治惟一經尚有其效若乃兼痧凡經絡  
所傷或上或下隨經刺放以拔痧毒乃反莫救於咽  
喉乎余竊謂咽喉兼痧痧毒內發病必難愈若按脈  
看筋能先治痧冷痧毒一去然後內服藥餌外用吹  
敷可也

治驗

一余長孫犯喉疳脈虛而微數悶腿灣痧筋放三  
鍼流紫黑毒血吹冰硼散用清涼至寶飲減細辛  
加射干連翹枳殼牛膝貝母微溫飲之而愈



陸思湖犯喉癰危急醫治不應余診之脉弦而  
豐右寸脉伏闕有痧筋刺十餘鍼紫黑毒血流如  
湧泉吹水礪散用清涼至寶飲減細辛加山豆根  
連翹菊葉飲之而痊

一穆瑞吾子犯喉痺疼痛脉兩寸俱伏余曰症與  
脉異殆必有痧若止治喉痺恐難即愈不信辭之  
他醫調治痛益甚復延余放指頭痧二十餘鍼口  
噲水梅治其痰涎用清涼至寶飲減細辛加射干  
連翹微冷飲之即愈

一潘象黃隣人犯咽喉腫大看有痧筋云此宜刺  
放然後醫治則愈嘗對余談及余雖不臨症治之  
然即此一人知天下犯咽喉腫大必有同也故并  
記之

口舌兼痧

口舌有疾適因感觸犯痧痧症雖發在後治之不容  
或緩即使口舌症凶痧脹較之尤急斷不可先口舌  
而後痧脹也

治驗

長生行世  
卷之三



翁珍碩舌下起重舌苦難盡述有以少陰君火  
治之不應余按其脉左寸沉微右關無力若據脉  
宜補據症宜涼取痧筋驗之放腿灣痧十餘鍼皆  
紫黑毒血求余立方余曰向所服者俱清涼之味  
宜少加川連所吹者俱引涎之物宜多加冰片即  
可奏效於斯疾也但服藥不當溫飲略覺微溫足  
矣三日而痊

一聶敏躬口瘡作爛吹藥益甚放痧不愈求余右  
脉微緩左脉沉伏付清涼至寶飲減細辛加石膏

牛膝烏藥枳殼青皮稍冷飲之用水研散加膽礬  
兒茶吹之乃痊

類瘋痧

瘋有真瘋有類瘋不辨其實槩將花蛇等藥攻之誤  
矣余見痧脹多變更有類乎瘋者故正其名曰類瘋  
痧

治驗

范嗣瞻咳嗽氣急兩額唇口鮮紅有以不足症  
藥治之不應余以痧療之而痊迨半年後面顏上



新刊日錄  
新刊日錄  
新刊日錄

後錄

忽變出圓片紅色高起外科視之認作大瘡治余  
按脈微而緩曰痧也閱痧筋放腿灣下三鍼紫黑  
色毒血成流又放指頭痧二十餘鍼用沉香鬱金  
散清茶冷飲之付如聖散加紅花青皮調黑糖湯  
微冷飲之而愈

黃氣病兼痧

腸胃內熱積滯氣阻成黃氣病往往有兼痧者非先  
治痧則黃氣病終不能治也

治驗

一 驟武弟婦犯黃氣病面色萎黃腹脹如鼓腿足  
俱腫六脈微濇令僕婦為之放痧三十餘鍼俱紫  
黑色毒血用沉香鬱金散清涼至寶飲加青皮烏  
藥檳榔山查葡萄子牛膝俱稍冷服腹脹始鬆後惟  
用黃氣病本藥微冷飲四劑而痊  
一 劑香年犯黃氣病熱渴唇烈面黃腹脹手足俱  
腫食即作瀉及按其脈徐疾不常緣視腿灣上下  
筋刺十餘鍼毒血成流用阿魏丸砂仁湯微冷  
飲之脹氣遂減余即以治黃氣病本藥治之六劑

新刊日錄

後錄

三八



癰疽疔毒

而痊

董臨橋腹脹如殿兩足微腫飲食不食面色乾黃諸藥不應求余治之脈不洪數反沉遲刺指臂三十餘鍼胸腹遂爽即用治黃氣病藥稍冷飲四劑而愈

翻胃壅膈痧

病有翻胃兼痧有痧變翻胃有噎膈兼痧有痧變噎膈其痧似慢日漸凶暴宜細辨之

治驗

一包世球年六旬餘患翻胃症食即心痛嘔吐不止余按其脈六部洪緊有力乃開痧筋放手臂腿上痧二十餘鍼付以烏藥順氣湯及降香桃花散俱微溫服四日而痊

一蔡愛山胸中飽悶欲食不食食即胃脘不寧苦楚萬狀余診之右三部脈微滑放腿灣痧二十餘鍼略鬆日服蘇木散微溫酒下二錢六日而愈

筋骨疼痛痧

筋骨疼痛多延蔓終身治此者或風或濕或氣阻血



疑或流痰流火如此而已然有收有不效或為痧暗相纏令人莫識此痧甚慢不可不知也

治驗

一董季連筋骨疼痛臥床二年諸藥不應余診之右脈微弦左脈沉細閱痧筋放之血流紫黑用圓紅散微溫湯飲之付蒲黃飲加五靈脂角刺溫服六劑而痊

一郝文存筋骨疼痛步履艱難吐痰氣急左脈微芤右脈弦緊放腿灣痧紫黑血三鍼用必勝湯加

角刺微溫飲之漸愈

鬼箭痧

世俗傳鬼箭之說有鍼挑火焮油髮艾桃楷諸法不敢服藥疑真有鬼禍非也識者辨之謂鬼箭是風神箭是寒床箭是濕痛而轉動者氣與痰也痛而難轉動者血也各有方治然中亦有雜痧者先治痧毒後除餘症治箭亦須知也

治驗

一曹叔恒偏身走注疼痛不能展動或曰此鬼箭

後卷 四十一



新刊日錄

也。以油髮艾葉指之。以燈心蘸菜油點火。燔之。不應適見。余自述其病。診之。脉左虛右實。放痧三鍼。紫黑血。流用桃仁紅花湯。加穿山甲天虫香附。微溫服。漸痊。

一鍾洪武內室。腰背疼痛。臥床不起。有以爲鬼箭之病。從痛處挑筋十餘鍼。不愈。延余。脉徐疾不常。曰。痧也。令其婢刮而且放。刺腿灣痧二十餘鍼。流紫黑毒血。用紅花湯。加穿山甲澤蘭劉寄奴四劑。微溫服。乃痊。

久瀉肉瘦痧

瀉久則肉瘦。或健脾。或燥濕。或消積。或滲水。或補命門火。或平肝木。氣治瀉之藥。不過如是。若慢痧之變。久瀉肉瘦。病原不同。但宜治痧。則瀉自止矣。

治驗

一姚公。豈潘。久瀉不已。不思米食。日漸尪瘦。大肉漸脫。脉反有力。放痧二十餘鍼。紫黑毒血成流。付寶花散。阿魏丸。俱稍冷飲之。即愈。

一莫電。雲久瀉不已。骨瘦如柴。唇紅口渴。粥食不

長生新書

後卷

四十五



進胸中飽悶脈反微伏放腿灣痧四鍼毒血紫黑  
流出如花用沉香丸清茶稍冷飲之付棧木湯加  
銀花澤蘭治之而愈  
一巢茂公次子久瀉肉削咳嗽不已夜臥盜汗目  
白微紅余診之脈寸伏關弦放腿灣上下痧三鍼  
復刮痧畢付清涼至寶飲加山查荀子銀花微冷  
飲之而痊

婦人隱疾痧

婦人幽隱疾多有兼痧最難識認惟在診脈之人指

下明白乃無差誤爾  
治驗

一婦人患血淋三月矣頭面腿足俱腫六脈洪實  
緊盛余意血淋熱症也洪實緊盛無脈也何乃頭  
面腿足驟然俱腫殆其痧乎令其家人放腿灣那  
二十餘鍼多用清涼解毒之劑治之而痊  
一婦人患血崩其家人曰痧也引他婦閱之果有  
痧筋放之用養血和中之劑治之而愈  
脚氣痧



脚氣石因乎痧者。此慢痧纏綿。腿足或半年一年。或五年十年。其疾僅在腿足。上身氣血流通。脉往。往不現。但兩尺脉微。數有力而已。凡遇雜病。切忌升提。以治痧。若不知治。痧毒肆行。腿足紅腫。痧筋一散。無從可放。所以四肢痧難治。

治驗

一老年。人苦足底燥烈。以為氣血衰微所致。不用藥治之。悶有痧筋。初放四鍼。毒氣散行。腿足遂腫。次日放痧四十餘鍼。其腫漸平。三日又放痧四十

餘鍼。足底漸滋潤。惟是日常放痧。不服藥而愈。

一王姓者。患脚氣。腿足俱腫。看有痧筋。懼痛不治。緣世人犯此者多。故記之。

耳痛痧

耳孔甚微。腫痛最苦。若兼痧其勢必盛。治惟以痧為先。耳痛亦有驗焉。

治驗

一鄭惟和。左耳出膿。腫痛連左太陽。及肩脇俱痛。右脉沉微。左關細澹。看痧筋刺左腿灣。十餘鍼。其



癩腫玉復書

瘡遂減內用如聖散稍冷飲之外用羊糞一粒綿裹塞耳即愈

一翁左溪右耳腫痛日夜不寧脈微而緊放腿灣痧十二鍼血流紫黑用清涼至寶飲減細辛加牛膝石斛稍冷飲之而痊

手臂痛痧

手臂有痧攻及臟腑者為緊痧不攻臟腑者為慢痧慢痧之症惟刺手臂緊痧之症兼服痧劑

治驗

一余右臂筋中作痛悶有痧筋刺三鍼出毒血臂痛遂愈

一高松均左臂疼痛醫治不應閱臂上痧筋刺四鍼出毒血不藥而愈

腫毒夾痧辨

腫毒陽者為癰陰者為疽往往有夾痧而發設使不先理痧單去毒亦不效也

治驗

一王姓者腰腎間白腫如盤臥不轉側痛苦萬狀



痧脹五候書

將及二月。余按脈弦緊。而或伏。曰夾痧之毒也。先放其痧。後理其毒。迫半月。出微膿。而愈。  
一人。大腿紅腫如爪。先放痧。而治之。愈。  
一人。左腎囊紅腫。獨大。先放痧。而治之。愈。  
一人。小腹痛極。生毒。平腫。白色。先放痧。而治之。愈。  
一人。右臂生黑疔。先放痧。而治之。愈。  
一人。生右腎疽。大如小盤。墨黑。其孔數十。不知痛癢。發熱。不食。悶左腿。有痧筋。放之。即身涼。進食。四日而痊。

一人。生懸癰。兼患雙橫痃。引一善放痧者。於尻尾骨上。放六鍼。腿灣放七鍼。漸愈。  
一人。生鷲掌瘋。放痧。而愈。  
一人。大痲瘋。手足拳曲。其形真可憐也。聞有痧筋。故記之。

刺蚤瘟痧

時有壯熱煩悶。遍身痛。如刺蚤所傷。鄉俗相傳。名為刺蚤瘟。焉以痧治之。可全也。

治驗

後卷

四十五



林悅溪犯時疫瘟疾壯熱口渴胸腹迷悶以手  
撫摩之即如刺螫傷痛遍體皆然放腿灣痧二十  
餘鍼毒血成流用穿山甲天虫角刺加活血順氣  
之藥稍冷飲之而痊

地葡瘟痧

時有此疾村俗相傳名為地葡瘟者閱之亦有痧也  
治在前遍身腫脹痧條內故不更載治驗但恐時人  
或誤故復記之

痧變發願

痧者凶疾也痧而發願毒氣上攻尤凶之甚也宜急  
治之遲則難救

治驗

一汪雲文壯熱目赤口渴煩悶譫語神昏左脈沉  
微右脈歇指痧也先服陰陽水一碗神昏少清譫  
語稍定然後扶起放痧訖外用赤苳水搗敷圍內  
吹冰硼散付以穿山甲天虫角刺射于山豆根土  
貝母連翹烏藥枳殼川連牛膝微冷飲之願遂出  
膿些須四日而愈



急救逆痘要法

痘有順有險有逆。險者猶可回生。逆者斷難療治。此不易之論也。然余觀嬰兒出痘。間犯兼痧。其痘未有不逆。故兼痧之痘。或難放標。或標而不分。類不起。發或當起。發分。類而反隱。或發痘疹。或變焦黑。或見飛漿。或生血泡。或肉腫。痘不腫。或下身先發。而臉額不起。頂不行。漿或瑣屑細密。色澤晦暗。或一片如胭脂色。種種逆症。往往因痧毒惡血壅阻。以致殞命。愚嘗先放其痧。隨宜用藥。則毒血一行。壅阻俱散。逆者可

轉而為順。難標者。即標難起者。即起。當漿者。即漿。無奈世人以痘不可放。痧候事不小。不知逆痘難療。更無生路。惟茲一法可救。但恐痧助痘毒。內攻甚速。難難挽回。若逆痘始。現有痧。即放。治之甚易。凡遇逆痘。急宜鑒諸。

治驗

一金權可。女四歲。十一月間痘五朝。放標至。面痘猶細。如芥子。隱隱不發。其腰下痘反有水珠色。真逆痘也。聞左腿有痧。筋放一鍼。手指上痧放。



十五鍼俱紫黑毒血面痘立時紅活起發余看痧  
氣已絕惟用十神解毒湯減大腹皮加天虫大力  
子山查青皮一劑次日面有行漿之勢惟用養血  
托漿清涼解毒之藥五劑痘即如期貫膿收靨而  
愈。

一金權可于三歲十一月間痘六朝左腰痘密有  
暗窠形色如水珠其面臉痘紫赤滿項不發服酒  
漿桑虫一條反變兩額一片如黧脂色不分顆粒  
左額見飛漿一粒亦逆痘也余為放指上痧二十

餘鍼痘即分顆紅活余惟用痧痘可兼治之藥一  
劑治之次日痘即行漿後惟用治痘常藥遂貫膿  
收靨而痊。

一汪扶搖子八歲六月間痘五朝面上肉腫痘不  
腫他醫謝事延余閱腿灣有痧筋放四鍼紫黑毒  
血成流用寶花散兼圓紅散微溫湯服次日痘即  
起服後惟用大補氣血藥助貫膿收靨而愈  
一褚萬甫女十二歲八月間痘四朝遍身紫痘他  
醫莫治延余閱指臂上痧筋放二十餘鍼用天黃



九指冷湯飲之。痘退痘起。後惟用清涼解毒之藥。  
 卽如期貫漿收靨乃瘳。  
 一詹福先子六歲九月間。痘四朝。大渴。舌心有黃。  
 黑胎。腹腹大痛。面部痘色焦紫。過頂不發。延余閱。  
 有痧筋。放腿灣指頭痧。二十餘鍼。痛不止。用細辛。  
 大黃丸。清茶微冷飲之。痛稍減。付必勝湯。加川連。  
 石膏。一劑微溫飲之。痛止。胎退。痘漸起。脹猶大。便。  
 不通。去川連。石膏。日服。此湯貫漿收靨。便通而愈。  
 痢症兼痧。

痢瘡疾也。患此者。雖不卽斃。然往往勿獲長壽。治惟。  
 疏風消痰。清熱或溫下元而已。不知亦有痧焉者。宜。  
 辨之。

治驗

一朱建溪。婢犯羊癩風。三年矣。余診之。六脉緊伏。  
 不勻。閱痧筋。放之。付以沉香滾痰丸。微溫湯飲之。  
 遂愈。永不再發。  
 一盛昭先。次子患猪癩風。六年。脉浮緊。而數。閱痧。  
 筋。放之。脉遂平。付以沉香滾痰丸。微溫湯飲之。亦。

長生新書 後卷 四九



癩眼王德書  
不再發

麻木酸痒痧

麻木酸痒。古人論治宜遵。余不更述。但痧症變幻時。亦有之。

治驗

一翁尚景。遍身麻木。腿膝酸疼。異常脈微。而細。放腿足痧四十餘鍼。指頭痧六鍼。未愈。付圓紅散。微溫湯服之。用當歸。金銀花。連翹。秦艽。穿山甲。末。薑蠶角。刺紅花二劑。如前服。而痊。

頭虛足腫痧

世俗相傳。有云男怕頭虛。女怕脚腫。謂醫治之難。療也。獨是頭虛之症。世豈無有。消風熱而得愈者乎。不知腫因風熱。乃可治。效若不因風熱。而因痧者。奚可更用發散升提之味。耶。惟是頭面虛腫。實因痧毒上攻。三陽先宜放刮。後用清涼引下之劑。治之。應無不愈。無令更變出凶險別病也。至若脚腫之疾。婦人犯此不數年。而小腿腫。加大腿亦腫。漸漸入腹。睡即腿足不腫。內發脹悶。若當起坐。行動胸腹乃鬆。足腿



復腫如是日復一日更不數年勢必小便不利大便亦阻即成真腹愚按此因濕毒之氣蒸淫於足傷其血分變為慢痧不由鼻吸而入故喫熱湯熱物俱無驟害脈亦有現有不現極悶痧筋或在腿或在足面或在足兩旁必多刺數次出毒血為要如不愈當內服藥餌平其氣血為主大忌升發燥熱之品恐毒氣上騰也若此之痧有患五六年而斃有患十餘年而斃有患二十餘年而斃世鮮識者受苦甚多不可不憫余故特為之著焉

治驗

一父茂甫驟患頭面紅腫心胸煩悶口渴唇焦六脈俱伏放巔頂痧及手指腿灣痧二十餘鍼不愈用清涼至寶飲減細辛如石膏知母茜草稍冷飲之三服而痊

一方士彥患頭面漸腫眉髮盡落已二年矣脈洪數而緊盛放指臂痧及兩太陽痧二十餘鍼腿灣痧四鍼服清涼至寶飲減薄荷細辛如紫油甲天虫烏藥續斷桑寄生紅花歸身微溫飲之十服而

痧症

後卷

五



症

一秦穉生內室素患脚腫及腿漸升於腹夜苦心中飽悶飲食不寧日間行動足腿復腫十餘年矣診脉細數冷其家人爲之數放足面及兩旁痧用川棟子金銀花木通澤瀉枳榔澤蘭青皮枳殼烏藥連翹溫飲八服遂愈

一張書膽病後足腫無力少進飲食兩尺脉伏悶足面痧及足旁痧腿灣痧放之用川棟子檳榔金銀花連翹白茯苓澤瀉歸身續斷紅花白蒺藜烏

藥而痊

黃疽痧

黃疽之症亦痼疾也不用鮮草頭方之迅利則不效然亦有效有不效者詎黃疽有必不可治者耶蓋黃疽因內有實熱而發若痧毒所變亦有然者務宜先施甜放後取黃疽方選擇而用自可得痊

治驗

一夏月溪目睛爪甲小便皆黃四肢上下遍體黃腫服他醫諸方不愈余診之脉微數而緊若連脉



宜補遠症宜清不可中治乃閱痧筋放之漸用  
麥門冬四兩枳板油四兩煎服而痊  
一婦人黃疸放痧後用草頭方搗汁酒沖服一次  
而痊

小兒夜啼痧

小兒暮夜啼哭不止父母愛之嘗百計撫摩憂疑無  
極曾不得立時安靜為憾不知胸腹疼痛故爾啼哭  
若曰小兒無痧吾不信也

治驗

一朱廣圃女二歲時至夜半忽然啼哭叫跳不住  
意其胸腹作痛將刷子蘸香油刮之痧起不藥而  
愈

一汪洪舉子二歲夜深啼哭逾至清晨不歇延余  
四子端英往視其左腿灣有痧筋放一鍼流紫黑  
毒血用防風勝金湯多加麥芽稍冷飲之而安  
驚風痰熱痧

小兒犯此惟用疏風豁痰定驚之品其常也然竟有  
疏風而熱不除豁痰而痰不消定驚而驚益甚者得  
後卷 五十三



母審其病原有未當乎。余嘗見此審其症候稍雜閱  
有痧焉。卽以痧症治之甚效。

治驗

一岳瑞昇。幼子發熱面赤。痰喘不已。兩目上視。困  
重。沉他醫莫治。延余。脈緊而數。先用圓紅散稍  
冷湯飲之。令其家人甜漿起。未愈。用和脾宣化  
飲。研細辛大黃丸。微冷飲之。遂安。

一高子瞻。女一歲。痰嗽身熱。手足抽搐。昏逆不醒。  
喘英子往視。虎口脈不現。六脈俱伏。閱腿灣痧。放

一鍼紫黑毒血流出。用救苦丹。清茶稍冷飲之。未  
愈。又用二香散。微冷湯下。而痊。

死症痧

論治痧之法。凡人犯死症。亦有可救者。平日有。余且  
無論百病死症。多有可救之實。惟提傷寒集中。有云  
赤痧五死。一生黑痧。十死。一生陽症。見陰脈者。死。陰  
陽毒過六七日不治。兩感傷寒者。死。汗後不為汗衰。  
謂之陰陽交者。死。不得汗者。死。發熱脈疾。躁狂。昏不  
能食。謂之三死。咳逆不止者。死。臟結者。死。厥陰舌卷。



囊縮者死。脉代者死。少陰吐利煩燥。四逆者死。結胸  
症悉具。煩躁者死。發熱至七八日。膚冷而躁無時暫  
安。曰臟厥不治。少陽與陽明合汗不和。脉長大而弦  
名曰負負者死。陰陽易病。頭重眼花。四肢拘急。小腹  
絞痛。手足攣痛者死。脉陰陽俱虛。熱不止者死。傷寒  
七八日已上。大發熱者。難治。溲便遺失者死。循衣摸  
牀。邪熱內結。脉弦濇者死。喘而不休者死。柔汗發黃  
者死。唇吻反青者死。環口薰黑者死。鼻如煙煤者死。  
直視搖頭者死。此等惡症。往往兼痧。已前治驗。歷歷

有據。然余所救者甚多。難以悉數。但人犯死症。如  
深淵。利在見之蚤救之。急爾。

羊毛瘟痧

此痧言遠先生道之甚悉。所以垂救世人多矣。余實  
未見不敢妄論。近又聞丹巖袁兄所述。自北方來。親  
見此症。胸前生羊毛。數莖。北人又有用銅錢置病所  
以艾火燒錢上。外將瓦罐或竹罐盒之。即時收出汗  
水而愈。北人名為打火罐。併能治痧痛是也。邇又聞  
北方人用手推背上一筋撮起。拍緊一時許。亦能治。



痧痛此二法。余雖未經驗。若爲之想。亦有益無損。故併誌之。以爲窮荒僻野無醫療治者一生路焉。

痧脹破迷論

痧中禁忌。余慮不知。痧候犯之。尤慮知痧。罔識所忌。譬若昏夜。迷塗高低。莫辨。縱步於岩谷間。鮮不顛仆者矣。蓋痧受病與雜症不同。見端與雜症相類。病家不信。以雜症治之。勿顧痧中禁忌。勢必日甚。一日病入膏肓。卽有進言。刮放一試。焉無及矣。則受迷於痧脹之始者。此其一。亦有始卽知痧。稍用刮放。便謂業

既治痧。當用別藥。幸而不犯痧禁。或可收功。若痧氣未絕。一犯所忌。愈服愈危。身命難保。乃曰非因痧脹之故。則受迷於痧脹之終者。此其一。更有患痧不識用別藥不效。因而僅用刮放。不佐以治痧之劑。或僅投一二劑。復投別症之藥。致痧患復發。茫然不覺。乃曰治痧無效。不足信也。不知治痧用藥。稍或不合。勢必痧毒內攻。而斃。則始終受迷於痧脹之害者。又一更不特如是已也。或痧症有時。汗出如油。誤服酸飲。固表之味。或痧症有時。寒熱無汗。誤服升提溫散。



之方。或痧症有時足冷過膝。候服附子吳茱萸桂之  
品。或痧症有時上唾下瀉。誤服香燥滯滯之類。或痧  
症有時惡寒畏冷。誤服薑椒辛辣之物。更有痧症變  
為脈虛。誤用溫補之藥。痧症變為脈旺。誤用水寒之  
藥。或痧症變為怪脈。雖不肯生。然誤認必死。棄而不  
救。而且痧症嘗似氣虛。誤用參芪朮木以補氣。嘗似  
血虛。誤用熟地何首烏以補血。而且痧多死症。凶險  
非常。不復細審病源。以為別症。將斃而且痧症。暑熱  
食物太蚤。因而痧物相裹。結於心胸。難以解散。而且

痧症未絕。痧毒尚存。驟飲熱湯熱酒。遂致痧症復發。  
凶危莫過。每有變在頃刻。悔之無及。此等受逆皆余  
所目擊。而心傷者也。若乃有見痧諱言。犯痧惡言。  
痧雖死於痧。勿知為痧之害者。其天之所限乎。余固  
不得而強之。即有橫剖痧。放痧。治痧之方法者。余亦  
不得而強之也。嘗觀醫林多士。業擅岐黃。深通古籍。  
者動輒援引內經。諄諄不已。竟不知黃帝始製九鍼  
之法。以療民病。多刺少藥。即如內經有云。諸瘧而脈  
不見。刺十指間出血。血去心已。先視身之未如小豆



者盡取之。又云先其發時如食頃而刺之。一刺則衰  
二刺則知三刺則已。不已刺舌下兩脉出血不已刺  
郄。郄中盛經出血。又刺項已下俠脊者必已。如先頭  
痛及重者先刺頭上及兩額兩眉間出血。先項背痛  
者先刺之。先腰痛者先刺郄中出血。先手臂痛者  
先刺手少陰陽明十指間。先足脛痠痛者先刺足陽  
明十指間出血。又如腰痛引項脊尻背如重狀刺其  
郄中太陽正經出血。刺解脉在膝筋肉分間郄外廉  
之橫脉出血。血變而止。解脉令人腰痛如引帶如折

腰狀善恐刺解脉在郄中結絡如黍米刺之血射以  
黑見赤血而已。經載煌煌垂訓萬古正後人之所當  
祖習者也。故痧多變余不能盡述。凡在爾所不信者  
試於清夜思之。苟遇斯疾。偶爾心迷。當刺不刺。當藥  
不藥。或誤入或誤已。彼此不異。諒有同心慎之慎之。



新刊三行書

...

享保九甲辰年二月吉日

東都

錦山堂藏版

錦山堂醫書刊行目次
救扁瓊言 費建中著
活幼心書 曾世榮著
瘡毒全書 齊漢綿著
右嗣出

江戶書舖 植村藤三郎

通本石町三丁目



平安書舖玉枝軒醫書藏板目錄

證治車繩	王宇泰著	全幼心鑑	冠衡美著	保產全書	丹溪著
證治要決	載元禮著	幼科發揮	萬全著	婦人方彙	春抱天著
萬病回春	葉廷賢著	幼科良方	張介賓著	本艸備要	汪叔卷著
海澗集頭書	洪室發元著	痘疹證治大還	陳三農著	斤玉本艸	芦川正立著
海澗集欽	名古屋玄院著	痘疹金鏡錄	翁仲仁著	本草正編	張介賓著
同儕語欽	固本抱子著	痘疹神書	張介賓著	方書摘要	小川宗本著
醫宗粹言	羅開彥著	痘疹秘錄	馮兆張著	增補方書摘要	未刻
大成論和語欽	抱子著	產寶百門	丹溪著	切要方義	上田山澤著
病名三集解	芦川正立著	女科秘方	龔赤乘著	頭書切要方義	未刻

三友于川



石室秘錄	陳士輝編 十冊	勞瘵秘錄	馮兆張著 二冊	二火辨妄	吉村陶庵著 三冊
雷真君活人方	同人編 二冊	諸血秘錄	同先生著 一冊	針灸資生經	王叔權著 七卷
寓意艸	喻嘉言著 六冊	編註金匱要略	李商目著 十冊	日用集驗方	王夢蘭著 一冊
醫方詳解	春抱子著 十二冊	金匱要略直解	未刻	袖珍醫便	二冊
百乙選方	王珍著 二十冊	傷寒方彙	奈良宗哲著 一冊	經驗方種	一冊
治痢神書	張介賓著 合刻三冊	傷寒證治大還	陳嘉謨著 十冊	新編方彙	壹冊
泄瀉神書	同人著 二冊	咳嗽證治大還	同先生著 一冊	魯府禁方	龔廷賢著 四卷
治瘧必喻	同人著 二冊	勞損證治大還	同作 一冊	種杏仙方	同作 四冊
傷寒全集	同先生著 三冊	瘧痢證治大還	同作 二冊	師語錄	道三齋 二冊
腫脹全集	同先生著 二冊	痘疹方彙	近刻	啓迪集	同作 十卷
蕪命方	同先生著 二冊				

本州綱目	和名入 三十九冊	病家要覽	中山三神作 四冊	醫方明鑑	四冊
醫書大全	熊宗立著 十二卷	傷寒條辨	方有執著 八冊	傷寒六書辨疑	七冊
宣明方論	劉河間著 五冊	傷寒活人書	朱奉儀撰 八卷	補注原病式	相庭實撰 五冊
嚴氏濟生方	嚴用和著 八冊	景岳全書	未刻	錦囊秘錄	未刻
張氏醫通	未刻	瘍科選粹	陳文治作 十二冊	醫壘元戎	王好古撰 五十卷
救偏環言	費建中述 五十二冊				
保命集	劉河間著 三冊				

  

京師書舖	堀川通高辻上所
東都書坊	通本石町十軒店角
浪華書肆	高麗橋壹町目
植村藤石衛門	
植村藤三郎	
植村藤上郎	



